


تاریخ وادستان

۱۳۳۶ هـ



بىكون بىلنير قىستى مجموعه مك اما
پك چوق آرا لير اورته ده مجموعه بولنيز

ايتدك شرف خدمت اجدادى وراموش
آثارنه اسلافرك رغبت اولنيز

کیم صداقت ایلسه البته اوغرار محنته
 استقامت محض جنتدر بوملك وملتہ
 صبت مجدی محو ایدلان نعره هل من مزید
 عصر مزده فرق اولمز اولدی احرار وعید
 عالمك اولمش اصولی شمدی برطرز جدید
 چونکه اصلاحدن ایتیش عاقلان قطع امید
 ایسته. شلر باری انقاضندن اولق مستفید
 هرايشك اوستده بر جمعیت یغما بدید
 سنده خاطر دین «ضیاء» بوعفتی ایله بعید
 وردك اولسون هر دم فرصتده بو بیت القصید
 کیم صداقت ایلسه البته اوغرار محنته
 استقامت محض جنتدر بوملك وملتہ

کله لم عالیجناب، وطن پرور دیار بکرلی، سعید پاشا

مرحومك دیگر ترجیع بندینه :

وقتک ایجابی جهانك حالی کونا کوندر
 حیرت، استیلا نمای عقل افلاطوندر
 کیسه نك دونمز مرادی اوزره بو کردوندر
 بر زمان مشکور اولاندر بر زمان منعوندر
 مسند اقباله شمدی سراپا دوندر
 خیر خواهان وطن ادبار ایله محزوندر
 عالم کونك شئوناتی بتون افسوندر
 سویلین کیمدرکه هرايش حکمته مقروندر

سویلین بیلمز بیلن لب بسته ودلخوندر
 بونه ایش یارب بونه حکمت بونه قانوندر

اهل عفت ناسراده اهل مساوی کلامران
مرحیت صاحبه انکشت حیرت بردهان
ظلم ورشوت ملتی ایتدی پریشان الامان
منقطعی خیرخواهانک دهانندن زبان
براو یون کورمکده یزکیم اوینایان بی نام و شان
کفتکو آفاقی طوتمشدر سخنگو بی نشان
استماع ایتمکده یز ساعت بساعت برلسان
بولمدق کیتدی لسان حال ایچون برترجمان
سویلین بیلیمز بیلن لب بسته ودلخوندر
بونه ایش یارب بونه حکمت بونه قانوندر

مستردر اشبو باغ دلکشا خاشاکدن
باغبانلرده اثر نابوددر ادراکدن
نوله برق اولسه نمایان آه آتشناکدن
ماته یریر مصائبدر یاغان افلاکدن
مستفید اهل طبابت خسته بی اهلاکدن
شمدیلر سم هلاهلدر چیقان تریاکدن
آچیلینجه داغ هر برسینه غمناکدن
ظالمه باش کوسترر کویا که لاله خاکدن

سویلین بیلیمز بیلن لب بسته ودلخوندر
بونه ایش یارب بونه حکمت بونه قانوندر

اولدی احوال وطن حیفاکه برحکم قضا
خیرخواهه شیون وبدخواهه سور جانفزا
جسم ملکی علت ایتمشکن بلایه مبتلا
اتخاذ ایلر اطبا زهر قاتلدن دوا
رونما اولمقله اخلاق و طبایعدن ریا

حکمی برعکس ایدر اجرا ، دعا و بددعا
چالیدی موسیقار حکمت آگلاشلمز برهوا
شرق و غربی طوتیدی برطبل مجوفدن صدا
سویلین بیلمز بیلن لب بسته و دلخوندر
بونه ایش یارب بونه حکمت بونه قانوندر
برزمان بوملت مسعوده عالی جناب
کائناته خواخه افکار ایدی بی ارتیاب
ملت اولمشدی منور فکر لرله کامیاب
مضمحل ایتدی اوافکاری ظلام انقلاب (۱)
اولدی کیتدی هپ بنای فکر ملت خراب
(بوم نوبت میزند بر قلعه افراسیاب)
خائنان ملك لا یحصى مرانی بی حساب
عاقبت اندیش خاموش واسیر اضطراب
سویلین بیلمز بیلن لب بسته و دلخوندر
بونه ایش یارب بونه حکمت بونه قانوندر
شمس ایدی اقبال ملت دهر اکا ویردی کسوف
دهره یوف افلاکه یوف ایامه یوف اوقاته یوف
دلاری جرحه زمانک واقعاتیدر سیوف
قالمدی جمعیت غیرت بوزولدی هپ صفوف
خیرخواه سلطنت معدود ، بدخواهان الوف

(۱) سعید پاشا مرحوم بومظومه بی (انقلاب) دنیلن حال معلومدن
۲۸ سنه اول یعنی ۱۲۹۸ تاریخنده انشاد ایتشدر . علی کمال بك افندینک
تکراراً (ولی خصلت بر بیر) دیسنده بك حق واردر . بن مشروطیتک
ابتدای ظهورنده بر تاریخ بولق ایچون بك چوق دوشوندم (ظهور لایفلمون
۱۳۳۶) تعبیرندن بشقه هیچ بر تاریخ بوله مدم . اگر سعید پاشا مرحومک
(ظلام انقلاب ۱۱۵۵) تعبیرینه دقت ایتسه یدم یانه برده (سلانیک ۱۷۱)
کله سنی علاوه ایدرک «ظلام انقلاب سلانیک ۱۳۲۶» تاریخ دوشورردم .

پادشاه ملك اسلامه معین اولسون رؤف
 درد چوق ، همدرد ناموجود ، مستقبل مخوف
 درد مهلكدر بودرده اکتساب ایتك وقوف
 سویلین بیلمز بیلن لب بسته ودلخوندر
 بونه ایش یارب بونه حکمت بونه قانوندر
 مضطرب بحران بی درمان ایچنده پادشاه
 اولیای مصلحت گمراه ، سلطان بی کناه
 دست استیلای بدخواهانده امیدگاه
 سد اولندی سوبسو کویاکه باب انتباه
 یاره لندی سیف حیف ایله سراپا خیرخواه
 آم ، ای دهر دنی آچدك یورکده یاره آم
 صنف مظلومان ایچون نه ملتجا وار نه یناه
 قابل حل اولمدی کیتدی بورمز واشتباه
 سویلین بیلمز بیلن لب بسته ودلخوندر
 بونه ایش یارب بونه حکمت بونه قانوندر

دیاربکرلی سعید پاشا مرحومك برنبذه ترجمه حالی

سعید پاشا حضرتلری ، ترقی ملک وملت خصوصنده کی همت
 وغیرتیه معروف و ممتاز اولان مشیر اسماعیل حق پاشا مرحومك دیاربکر
 والیلکنه تاریخ تعیینی بولان ۱۲۸۴ سنه سنده دیاربکر مکتوبی
 معاونلکنده بولنیوردی . اسماعیل پاشا حضرتلرینك مظهر تقدیری
 اوله رق واقع اولان انهاسیله ۱۲۸۵ سنه سنده رتبه ثانیه صنف ثانیسه
 نائل وسنه مذکورہ طرفنده مکتوبی ولایت مقامه واصل اولدی .
 ینه مشیر قدردان مشار الیهك انهاسیله ۱۲۸۷ سنه سنده عهده سنه رتبه
 ثانیه صنف متمیزی توجیه اولندی ؛ ینه والی مشارالیه حضرتلرینك